

通

俗

編

通俗編卷之五

仕進

三年大比（周禮）司徒三年則大比受邦國之比要又鄉大夫三年則大比攷其德行道藝而興賢能遂大夫三年大比帥其吏而興氓（按今爲士者所云大比古鄉大夫之大比也考之爲言亦始于此）

三場（宋史選舉志）寶元中李淑言唐太和以後試進士以詩賦爲第一場論第二場策第三場帖經第四場陛下欲得取士之實願約舊制先策次論次詩賦次帖經而勅有司併試四場通較工拙毋以一場爲去留詔議施行焉神宗罷詩賦帖經仍試四場初大經次兼經次論次策元祐四年分經義詩賦爲兩科竝四場通定高

下建炎二年定以三場取士第一場詩賦經義各試所習二場竝論三場竝策紹興十三年從高閑請參合三場以經義爲首詩賦次之論策又次之明史選舉志初設科舉時初場試經義二道四書義一道二場論一道三場策一道中式後十日復以騎射書筭律五事試之後頒科舉定式如今制援唐進士初止試策調露中始試帖經經通試雜文卽詩賦也又通乃試策惟三場其有四場則自文宗時起宋乾德初約周顯德之制定諸州貢舉式亦惟言初場二場三場而未有四場蓋三場非南宋創也

十六房 文獻通攷紹定二年以士子多悖經旨始飭攷官各房分經勘校陸深科場條貫洪武十七年頒行科

舉成式會試同攷八人景泰五年增二人天順四年又增二人成化十七年又增二人正德六年增三人共爲十七人日知錄嘉靖末年詩五房易書各四房春秋禮記各二房猶止十七房萬歷庚辰以易卷多添一房減書一房至丙戌仍復書爲四房乃爲十八房按國初因其制乾隆十五年始定爲十六房

簾 采史選舉志寶祐二年御史陳大方言凡覆試今日輪臺諫官一員簾外監試又咸淳九年以臣僚言罷簾外點檢雷同官按監試等不預攷校謂之簾外則凡預攷校官時亦當謂之簾內今稱內簾外簾蓋承之也唐王建宮詞天子下簾親考試宮人手裡過茶湯撫言云劉虛白于簾前獻裴坦詩攷試用簾不特見于宋矣

彌封 〔老學菴筆記〕本朝進士初如唐制兼採時望真廟
時周安惠公請建糊名法一切以程文爲去留自知錄
唐初吏部試選人皆糊名令學士攷判武后以爲非委
任之方罷之此則用之選人而未嘗用之貢舉宋史宋
白傳陳彭年舉進士輕俊喜謗主司白知貢舉惡其爲
人黜落之彭年憾焉後居近侍爲貢舉條制多所開防
蓋爲白設也後范仲淹蘇頌竝議罷彌封法使有司先
攷其素行以漸復兩漢選舉之舊卒未能復廢糊名印
今云彌封也宋選舉志謂淳化三年先嘗行之景德時
定攷校式編排官第以字號付封彌官用御書院印封
彌景祐時詔開別頭試封彌謄錄如禮部貢昌朝言有
封彌謄錄法則公卷可執皆云封彌今以二字上下轉

易不知何故

謄錄 能收齊漫錄仁宗時有勅名攷校之律雖號至公然未絕其弊其後袁州人李夷賓上言請別加謄錄因著爲令而後識字畫之弊絕宋史選舉志謄錄院始置于祥符八年令封印官封卷付之集書吏錄本

編號 事文類聚謄錄編排皆始于景德祥符間宋史編排官去其卷首鄉貫狀別以字號第之按名臣奏議司馬光論固毡兩號所對策辭理俱高吳任臣字彙補云此宋時取十編號之字也又盧蒲葦記趙清獻充御試官詳定勅繢觥觥勅五號等卷是補之鷄肋集通字號卷余擢爲開封第三蓋時編號之法以卷多慮致復重隨配邊旁以廣其文故于字書多不經見

南北卷

楊士奇三朝聖諭錄上言科舉之弊士奇對曰

科舉當兼取南北士試卷例緘姓名請今後于外書南北二字如一科取百人南取六十北取四十則人才皆入彀矣上口往年緣北士無進用者故意惰成風汝言良是命與禮部議奏行之科場條貫楊士奇議會試分南北卷北四南六既而以百乘除各退五爲中卷成化二十二年又各退二卷以益中數

遺才

宋史選舉志端拱初禮部試已帝慮有遺才取不

中格者再試之于是由再試得官者數百人按今惟學使送赴舉生員猶試遺才

覆試

新唐書選舉志高祖詔諸州明經秀才俊士進士

爲鄉里稱者縣官考試州長重複歲隨方物入貢舊唐

書王起傳貢舉猥濫勢門子弟交相酬酢寒門俊造十
棄六七及元稹李紳在翰林深怒其事故有覆試之科
通雅漢左雄議舉士先試之公府又覆之端門張盛除
此科黃瓊言覆試之作將以覆實虛濫不宜改革則漢
已有此事宋乾德六年詔舉人有父兄食祿者覆試紹
興以後省之按今惟童生初入學及府縣錄送童生猶
有覆試

殿試 漢書鼂錯傳有司舉賢良文學士錯在選中上親
策詔之按詔有有司各帥其志選有人數及登大夫于
朝親諭朕志等語蓋時所同舉皆獲登于殿庭與董仲
舒傳只策首選不同後世殿試之制蓋昉于此矣晉書
阮种傳或言對策者因緣假託乃更延羣士廷以問之

卻說傳載其對策亦有進之於廷之語或謂殿試始唐
武后非也

及第出身 宋史選舉志景德四年定親試進士條例攷
第之制凡五等一二等曰及第三等曰出身四等五等
曰同出身事文類聚進士分甲并賜同進士出身自興
國八年王世則榜始

傳臚 史記叔孫通傳羣臣朝儀既定大行設九賓臚句
傳雲谷雜記臚句傳者卽傳臚也句字乃衍文故注史
文但云傳從上下爲臚而已蘇林注漢書乃析臚句爲
二事云上告下爲臚下告上爲句不知何據而云鄭康
成注儀禮謂臚爲衆蓋衆相遞傳莊子有大儒臚傳之
語最爲可證

立旗竿

王世貞觚不觚錄諸生中鄉薦與舉子中會試者郡縣則必送捷報以紅綾爲旗金書立竿以揚之若狀元及第則以黃紵絲金書狀元以揚之按此特明代故事前此惟狀元建旗詳文信國集

公車周禮巾車掌公車之政令注公猶官也漢官儀公車掌殿司馬門天下上事及徵召皆總領之漢書東方朔傳待詔公車音義云公車著名也公車所在故以名焉按今會試者稱赴公車蓋貢舉亦徵召之亞遠省舉子許乘驛卽與公車類也

科場條目宋史王旦傳翰林學士陳彭年呈政府科場條目旦投之地曰內翰得官幾日乃欲隔截天下進士按今監試者與更士約法猶謂之科場條例

試錄

葉石林燕語試院官舊不爲小錄崇寧初霍端友

榜安樞密知舉始刻爲之自後遂爲故事黃佐翰林記

洪武甲子鄉試乙丑會試初爲小錄惟刻董事之官試

士之題及中選者之名第籍貫經書而已未錄士子之

文爲程式也次科戊辰始錄程文自是以爲定式我唐

會要大中十年禮部侍郎鄭顯進諸家科目十二卷勅

自今以後放榜訖寫及第八姓名付所司編次則宋以

前非不爲此錄特其名目殊耳李謝戒菴漫筆云今試

錄唐稱進士登科記宋稱進士小錄

龍虎榜

唐書歐陽詹傳與韓愈李觀李絳崔羣王涯馮

宿聯第皆天下選時稱龍虎榜

榜花

南部新書唐禮部放榜歲取二三人姓氏稀僻者

謂之色目人又曰榜花

關節 舊唐書穆宗詔訪聞近日浮薄之徒扇爲朋黨謂之關節干擾主司每歲策名無不先定能收齋漫錄段文昌言于唐文宗曰今歲禮部殊不公所取進士皆以關節得之宋史包拯傳關節不到有閹羅包老按漢書佞幸傳籍閹與上臥起公卿皆因關節師古曰言由之納說如行者之有關津關節者關說之節目也

懷挾 文獻通攷長興四年禮部貢院奏立條件曰懷挾書策舊例禁止請自今後入省門搜得文書者不論多少准例扶出殿將來兩舉按燕翼貽謀錄謂懷挾之禁始嚴于宋景德二年未知孰是其懷挾二字見戰國策鼎者非效醯醢醬醢可懷挾提挈以至齊者

傳遞

宋史選舉志嘉定十五年何澹言舉人之弊有曰

傳義曰換卷曰易號寶慶二年朱端常乞差有風力者

爲監門官入試日一切不許傳遞門禁旣嚴再立賞格

許告捉傳題傳稿之人則其弊自清矣

座主

見舊唐書令狐岷傳張籍寄白使君詩有登第早

年同座主句李肇國史補進士稱有司曰座主無不觚

錄嘉靖以前門生稱座主不過曰先生而已至分宜當

國始稱老翁其厚者稱夫子此後俱相承曰老師

門生

唐書楊嗣復傳嗣復領貢舉父於陵自維入朝乃

率門生出迎又令狐岷傳岷教門生也白居易詩何

須身自得將相是門生詩三主禮闈年八十門生

門下見門生王仁裕云諸門生詩三百一十四門生春

風初長羽毛成按門生本猶門人後漢書賈逵傳皆拜
逵所造弟子及門生爲千乘國王郎歐陽修孔山碑陰
題名跋漢世公卿多自教授其親受業者爲弟子轉相
授者爲門生是也而古亦有稱同門生爲門生者晉書
王獻之年數歲觀門生揚蒲諷之是也有依附聲勢爲
門生者宋書徐湛之門生千餘人皆三吳富人之子每
出入行遊塗巷盈滿是也其知貢舉稱新進士爲門生
蓋惟起于唐之中葉後唐長興元年中書門下奏門生
者門弟子也大朝所命春官不曾教誨舉子是國家貢
士非宗伯門徒今後及第人不得呼春官爲恩門師門
及自稱門生

同年 國史補進士俱捷謂之同年劉禹錫送人赴舉詩

座今人以偕升名爲同年友其語熟見搢紳者皆道焉
唐書憲宗問李絳曰人于同年固有情乎對曰同年乃
九州四海之人偶同科第或登科然後相識情于何有
李遠陪新及第赴會詩滿座皆仙侶同年別有情杜荀
鶴試後別人詩同年多是長安客不信行人欲斷腸按
後漢書李固傳有同歲生得罪于冀同歲卽同年也三
國魏武紀與韓遂父同歲孝廉亦然

先輩 詩采薇箋今薇生矣先輩可以行也二字初見自
此三國志陶謙傳注郡守張磐同郡先輩與謙父友而
謙不爲之屈闕澤傳州里先輩唐固亦修身積學隋書
經籍志班固爲蘭臺令史與諸先輩共成光武本紀舊
唐書孔穎達傳穎達年少而先輩宿儒耻爲之屈按以

上皆謂行輩在先者也國史補云進士互相推敬謂之
先輩則以其稱施之同輩而當時新第者且不特同第
互推然也北夢瑣言王凝知貢舉司空圖第四人登第
王謂人曰今年榜帖全爲司空先輩一人而已湘水燕
談蘇德謨第一人登第還鄉太守作致語慶之曰昔年
隨侍嘗爲宰相郎君今日登科又是狀元先輩輩莊有
下第獻新先輩詩彭應求有賀新先輩及第詩自主司
郡尊及同試下第者俱以先輩稱之蓋時云先輩直如
今之泛稱某先生矣

後輩 通典魏立太學弟子滿二歲試通二經者補文學
掌故不通者聽從後輩試遞是試通三經四經五經不
通者俱從後輩復試程大昌演繁露唐世舉人呼已第

者爲先輩由此也舊唐書劉禹錫傳王叔文于東宮用
事後輩務進多附麗之全唐詩話使前賢失步後輩却
立杜甫詩詞華傾後輩風雅詣孤寒按此皆指言之耳
未嘗有以爲稱謂者

卽先王保定據言牛僧孺應舉韓愈皇甫湜見于青龍
寺稱牛爲卽先輩田錫咸平集與胡旦書云秀才卽先
輩按此謂卽日常爲先輩猶今賤札中所云卽元莊啓
中所云卽翰撰也又乾興子閻際美與盧景莊同應舉
閻稱盧曰必先聲價振京洛雲溪友議劉禹錫納牛僧
孺卷曰必先期至矣必先與卽先同一推頌意耳韓儀
與關試後新人詩有休把新銜幘必先句此必先乃指
下第同人今謂下第者曰來科作解又此意矣

先達 晉書虞喜傳喜邑人賀循爲司空先達貴顯

早達 宋書王僧綽傳年二十九爲侍中自嫌早達

英雄入數中 撫言文帝幸端門見新進士綴行而出喜

曰天下英雄入吾彀中矣

謬種流傳 宋史選舉志理宗朝有司命題苟簡或執偏

見臆說或發策川事訛舛所取之士既不精數年之後

復俾之主文是非顛倒逾甚時謂之謬種流傳

一榜盡賜及第 邵氏聞見錄張齊賢赴廷試帝欲其居

上甲有司置于丙科帝降旨一榜盡除京官通判

龍頭屬老成 遜齋閒覽梁燾及第謝恩詩也知年少登

科好爭奈龍頭屬老成

一舉登科日幾親耒老時 相傳是宋江湊詩琵琶曲假

饒一舉登科日難道是雙親未老時只恐錦衣歸故里
雙親的不見兒又云如今端的是男兒行看錦衣歸故
里皆用此詩

文章自古無憑據惟願朱衣暗點頭侯鯖錄歐陽公知
貢舉常覺座後有一朱衣人點頭者然後其文入格因
語同列三嘆嘗有句云云柳子文同文唱和詩徒勞爭
墨榜須信有朱衣自注朱衣吏事見登科前定錄
一色杏花紅十里新郎君去馬如飛蘇子瞻送張師厚
赴殿試詩今作狀元歸去馬如飛訛

十年窗下無人問一舉成名天下知歸潛志昔語云云
今進士不得入仕則一舉成名天下知十年窗下無人問
一舉首登龍虎榜十年身到鳳凰池
張唐卿登科題寺

壁詩見夢溪筆談或言劉昌言上呂蒙正

相公至繁羽獵賦相公乃乘輕軒駕四駟又繁從軍行
相公征關右赫怒震天威日知錄前代拜相者必封公
故稱之曰相公復齊漫錄韓子華兄弟皆爲宰相其家
呼子華三相公呼持國五相公按今凡衣冠中人皆僭
稱相公或亦綴以行次曰大相公二相公甚無謂也道
山清話嶺南人見逐客不問官高卑皆呼爲相公想是
見相公常來也豈因是一方之俗而遂漸行于各方歟
閣老國史補宰相相呼爲堂老兩省相呼爲閣老因學
紀聞杜少陵贈嚴閣老詩扈聖登黃閣明公獨妙年嚴
武遷給事中屬門下省開元曰黃門省故云黃閣通鑑
王涯謂給事中鄭肅韓飲曰二閣老不川封勅亦唐稱

給事中爲閣老也近世用杜詩爲宰輔事誤矣又唐書楊綰傳故事舍人年久者爲閣老

尚書 珣璜新編尚書與尚食尚公主同見張耳傳注而世俗相承以平聲呼誤也按尚字惟詩大雅肆皇天弗尚叶韻爲辰羊切其餘概無平聲然唐詩崑耶長者白尚書已作平聲呼矣

八座 通典職官漢以六曹尚書并一令一僕爲八座魏以五曹一令二僕射爲八座隋唐以左右僕射六尚書爲八座杜甫有起居八座太夫人句按今指乘八人輿者曰八座不見典記南史齊宗室傳江夏王寶元與崔慧景應乘八輿輿至都此則當時天子所乘

三法司 商子定分篇天子置三法官按後世三法司稱

由此起

總督 晉書載記王猛辭位表總督戎機出納帝命總督

二字見此

巡撫 晉書劉頌傳咸寧中詔巡撫荆揚北史李賢傳今
巡撫居此不殊代也王勃春思賦寧知漢代多巡撫
世南和長春應令詩如何事巡撫民瘼諒斯求按今官
制有巡撫自明洪武辛未勅遣皇太子巡撫陝西爲始
而其文之見前代者有如在

憲臺 二老堂雜志憲部刑部也憲臺御史臺也今直以
諸路刑獄爲憲雖聖旨處分勅令所立法凡及安撫提
刑司處皆以帥憲爲稱而提刑告詞並曰憲臺其失多
矣按今更不問掌刑與否凡大上官概稱憲臺所失愈

遠

宗師 莊子有大宗師篇漢書朱浮傳博士之官爲天下

宗師使孔聖之言傳而不絕

員外 舊唐書李嶠傳爲吏部時志欲曲行私惠奏置員

外官數千人通鑑中宗神龍二年大置員外官自京師

及諸州凡二千餘人官官超遷七品以上員外官者又

將千人按時所云員外者謂在正員之外大率依權納

賄所爲與今部曹不同故有財勢之徒皆得假借其稱

外郎郎中待詔司務 爾雅雜記吏人稱外郎者古有

郎外郎皆臺省官故僭擬以尊之今醫人稱郎中鑄工

稱待詔染工稱博士師巫稱太保茶酒稱院使皆然此

草率僭妄名分不明之舊習也國初有禁官知錄北人

謂醫曰大夫南人謂之郎中木工金工石工之屬皆爲
司務蓋起于宋時老學菴筆記北人謂醫爲術推上相
爲巡官卽此類按周密武林舊事載藝流供奉說藥者
三人一曰楊郎中一曰徐郎中當時卽以醫爲郎中矣
州尊 蜀志秦宓傳王商與宓書曰貧賤亦何可終身宜
一來與州尊相見按今人稱府尊縣尊等皆助于此
鄉先生 儀禮士冠禮冠者見于鄉大夫鄉先生注云鄉
先生鄉中老人爲大夫致仕者按今稱鄉前輩或曰鄉
老或曰鄉先生據周禮叙官鄉老二鄉則公一人此以
三公分與六鄉之教之稱前輩何敢當焉鄉先生爲合
封君 史記平準書封君皆低首仰給又令封君以下三
百石以上吏以差出牝馬易林多獲得福富于封君按

此謂身有封邑之君若公侯是也今以子孫貴顯受封者不當云封君或稱封翁可矣

狀元 撫言放榜後狀元以下到主司宅門下馬又狀元以下與主司對拜拜訖狀元出行致詞授狀元之稱自唐有之矣而放榜後未經廷試即稱狀元則是今所謂會元耳又其時不獨第一人曰狀元鄭谷登第後宿平康里詩好是五更殘酒醒耳邊聞喚狀元聲放谷登趙昌翰榜係第八名宋周必大文稿有回姚狀元穎啓回第二人葉狀元適啟回第三人李狀元寅仲啓似凡新進士俱得稱狀元也

榜眼 雪麓漫鈔世目狀元第二人爲榜眼王禹偁送朱巖詩有榜眼科名釋褐初句蓋榜眼之名起于宋初也

三老堂雜誌高宗中興以來十放進士其榜眼官職往往過于狀元

探花 天中記唐進士杏園初會謂之探花宴以少俊二人爲探花使遍遊名園若他人先折得名花則二人被罰蔡寬夫詩話故事進士朝集擇中最年少者爲探花郎熙寧中始罷之按此則唐之探花非今所謂探花而其名未始不相因也雲麓漫鈔云世目第三人爲探花郎漫鈔作在紹興時蓋自罷擇年少之後遂以其名歸諸第三人矣明史選舉志殿試第一甲狀元榜眼探花之名制所定也而士大夫又通以鄉試第一爲解元會試第一爲會元二三甲第一爲傳臚

三元 文海披沙宋三元人知有三會馮京宋庠而不知

有楊寘孫何明三元人知有商輅而不知有黃觀楊用
修云蜀士在宋時三元三人陳堯叟楊寘何渙也觀此
則宋又不止五人矣然陳與何三元事竝未見稱于世
我宋未當有三元之號謂王曾等三元者明人追稱之
耳唐崔元翰京兆解頭禮部狀頭宏辭及制科三等勅
頭咸首提武翊黃亦府選爲解頭及第爲狀頭宏辭爲
勅頭時謂武氏三頭章孝標贈翊黃詩花錦文章開四
面天人科第占三頭又張又新時亦號三頭三頭者猶
明人云三元也

庶吉士 見書立政篇明史選舉志洪武八年廷試擢一
甲進士丁顯等爲翰林院修撰二甲馬京等爲編修吳
文等爲檢討進士之入翰林自此始又使進士觀政于

諸司其在翰林承勅監等衙門者曰庶吉士進士之爲庶吉士亦自此始也

侍衛 史記弟子傳注王肅曰子路爲孔子侍衛故人不
敢有惡言侍衛二字見此

進士舉人貢生 進士見禮記王制舉人貢生連見于後
漢書章帝紀每尋前代舉人貢士或起明祗不繫關閥
是也進士出身八詩則始于唐徐凝荅施先輩曰料得
仙宮刻仙籍如君進士出身稀舉人八詩則自居易有
乞錢羈客面落第舉人心歲貢入詩則孟浩然有孝廉
因歲貢懷橘向秦川

武舉 唐書選舉志武舉起武后時長安二年

監生生員 唐書選舉志元和二年置東都監生一百員

自天寶後生徒流散永泰中雖置西監生而館無定員于是始定生員按生謂監生員其數也以監生生員爲兩等人蓋別自宋以來州縣皆設學也

自身元典章選格有自身人員中書省奏近來各路行保自身之人申部中間不無冒濫云云按魏書食貨志莊帝頒八粟之制白民輸五百石聽依第出身白民猶云自身也唐書選舉志自身視有出身一經三傳皆通者獎擢之仕籍之有自身一途甚久而魏由八粟唐由校試元由保任制各不同耳

登仕郎見隋書百官志又文林郎見宋史選舉志按唐宋時有承事將仕廸功宣義等郎今俱不川惟七品授文林郎九品授登仕郎名猶相因

從品 北魏書官氏志前世職次皆無從品魏氏始置之
亦一代之別制也按謂從一品至從九品

內官外官 周語內官不過九御外官不過九品注九品
九卿也漢書終軍傳孤于外官注謂非侍衛也皆與今
在京曰內官在各省曰外官別

本色官 唐書柳仲郢傳有以藥術進者詔署鹽官仲郢
以爲醫有本色官若委錢穀名分不正

堂後官 李心傳朝野雜記堂後官謂三省諸房都錄事
也補職及一年改宣敎郎

稗官 漢書藝文志小說出于稗官師古注稗猶穉穉之
穉小官也按俚俗喎流外小官曰芝麻官蓋卽穉穉之
義

宰官 郭象南華經注大鵬之與斥鴳宰官之與御風同
爲累物耳王應麟云二字始見此

官長 墨子尚賢中篇賢者舉而上之謂之官長慎子威
德篇立國君以爲國非立國以爲國君也立官長以爲
官非立官以爲官長也

官銜 封氏見聞記官銜之名當是選曹補授須存資歷
聞奏之時先具舊官名品于前次書擬官于後使新舊
相銜不斷故云良闢識小錄家語禮運篇官有銜職有
序注銜治也執轡篇云善御馬者正銜勅善御民者正
百官官銜之名本此封氏記殊無所據

備員 史記秦始皇紀博士雖七十人特備員弗用平原
君傳毛遂曰願君卽以遂備員行矣申屠嘉傳自嘉死

後諸爲丞相者皆以列侯繼嗣姳姳廉謹爲丞相備員而已

同寮 詩大雅我雖異事及爾同僚音義曰僚字又作寮左傳文七年先穀奔秦荀伯盡送其帑于秦曰爲同寮故也孔叢子孟武伯問孔子曰古者同寮有服乎荅曰然同寮有相友之義三國吳志薛瑩傳同寮之中瑩爲寇首楊慎丹鉛錄文選注寮小憲也同官爲寮指其齋署同窗爲義今士子同業曰同窗官先事士先志官之同寮亦士之同窗也

搢紳 周禮典瑞王晉大圭注晉讀搢紳之搢謂插于紳帶之間疏曰漢有搢紳之士亦謂插笏于紳荀子禮論搢紳而無鉤帶矣楊倞注搢與搢同史記封禪書語不

經見摺紳者不道索隱曰姚氏云摺當作縉又五帝紀
薦紳先生難言之徐廣注薦紳卽縉紳古文假借耳索
隱鄭衆注周禮云摺讀曰薦據鄭意則薦亦進進而置
于紳帶之間也按羣碎錄謂今摺作縉非不見荀子及
姚氏說耶

月俸 周禮太宰祿位以馭其士注祿若今月奉也音義
曰奉本或作俸又宮正均其稍食疏稍則稍稍與之月
俸是也

養廉 宋史職官志諸路職官各有職田所以養廉也金
史伯德特离補傳特离補爲政簡靜不積財常口俸祿
已足養廉衣食之外何用蓄積

腳色

北史杜銓傳楊素驚杜正元之才奏屬吏部選期

已過注色令還朝野類要初入仕必具鄉貫三代名銜
謂之脚色朱子答任行甫書休致文字不知要錄白繳
申脚色之類否元典章保選令史吏員亦開具姓名脚
色直言所長通雅脚色狀亦謂之根脚邇來下司初見
上司猶遞手木上開出身履歷所謂脚色是也

憑引 揮塵錄本朝及五代以來吏部給初出官付不惟
著歲數兼說形貌以防偽冒元豐時改官制除之按此
卽今憑引之制

出缺 世說注山濤啟事曰吏部郎史曜出缺處當選

制籤 北史王勇傳胡仁及王文達耿令貴三人皆有殊

功還拜上州刺史然州頗有優劣周文令探籌取之胡
仁遂得雍州文達得岐州令貴得北雍州按探籌卽掣

鐵古今語殊耳

過堂 撫言載新及第進士隨座主至部堂初見宰相通
姓名謂之過堂韓偓有及第過堂日詩

秦 能改齋漫錄下之見上謂之秦始戰國時也國策曰
秦王欲見頓弱頓弱曰臣之義不參拜王能使臣無拜
可矣秦王許之

鑽 班固答賓戲商鞅挾三術以鑽孝公李周翰注鑽取
必入之義宋史王安石秉政鄧綰李定之徒俱以趨媚
擢用士論有十鑽之目古杭雜記史彌遠用事士夫多
以鑽刺得官伶人俳優者一人執石鑽之久而不入曰
鑽之彌堅一人擊其首曰汝何不鑽彌遠却鑽彌堅耶
資緣 左思吳都賦資緣山岳之岳韓愈詩青壁無路難

黃緣額會黃緣連絡也按易艮爻辭列其黃屬熏心黃
當中脊之肉也上下不能相通而屬熏其心是有干進
之象

參罰 漢書天文志太歲在巳太初在參罰注云參爲白
虎三星其下又有三星曰罰參罰之義蓋取乎此

調繁簡 漢書薛宣傳潁陽縣嘗數郡湊其令薛恭職不
辦而粟邑僻小令尹賞久郡用事吏宜卽奏賞與恭換
縣二人視事數月兩縣皆治按今調繁簡之制起此

告病 始見穆天子傳盛姬告病史記汲黯傳黯多病上
常賜告注曰賜告得去官歸家與告居官不視事漢書
高帝紀注亦曰漢律有予告有賜告賜告者病三月當
免天子優賜其告使得帶印綬將官屬歸家治病

告老 左傳襄七年韓獻子告老蔡邕陳太邱碑年已七十遂隱邱山懸車告老北史高允傳允以老疾乞骸骨不許乃著告老詩

起復 緇績霏雪錄起復者喪制未終勉情任用所謂奪情起復也如歐公晏元獻神道碑丁父憂去官已而真宗思之卽其家起復及史嵩之喪父經營起復是也今人不攷例以服闋爲起復誤矣

陞見 北史張普惠傳表乞朝直之日時聽奏見自此之後月一陞見

卓異 漢書宣帝紀故掖庭令張賀輔導朕躬恩惠卓異厥功茂焉後漢書劉般傳陳忠疏薦劉惔處約思純進退有度誠宜簡練卓異以厭衆望

加級 北史齊世祖紀河清元年大赦內外百官普加泛級我加級字見此而其事漢初已有高祖紀故大夫以上賜爵各一級顏師古注曰就加之也

一階半級 顏氏家訓勉學篇或因家世餘緒得一階半級及公私宴集談古賦詩寒默低頭欠伸而已北史序傳仲舉曰吾少無宦情豈以垂老之年求一階半級人多缺少 唐趙憬審官六議有人少闕多人多闕少之語闕與缺同署溪漁隱叢話政和間先君赴調京師步月景德寺指月爲對云圓少缺多天上月同赴調者應聲戲曰員多缺少部中官按論衡累官篇位少人衆仕者爭進當時益已患之

持祿養交

管子明法篇

小臣持祿養交不以官爲事故

失其能荀子臣道篇偷合苟安以持祿養交謂之國賊
食祿有地李義山雜纂凡說食祿有地必是差遣不好
仕路狹後漢書和帝詔東修良吏進仕路狹
功成名遂老子功成名遂身退天之道史記范雎傳中
山之國趙獨吞之功成名立而利附焉北史周明帝紀
功成名遂建國剖符

後來居上更記汲黯傳陛下用群臣如積薪後來者居
上師古注或曰積薪之言出曾子

當官左傳當官而行周禮疏士師所禁惟在當官晉書
熊遠傳當官以理事爲俗吏奉法爲苛刻三國志孫奭
傳奭訥于造次而敏于當官

經官晉書范粲傳高頴曰范伯孫名諱未嘗經于官曹

賣官

後漢書桓帝紀初開西邸賣官自關內侯虎賁羽

林入錢各有差又私令左右賣公卿公千萬卿五百萬
〔五代史〕前蜀世家徐太妃以教令賣官自刺史以下每
一官闕必數人並爭而入錢多者得之

買官

〔後漢書〕崔寔傳程夫人曰崔公冀州名士豈肯買

官賴我得是

賣官鬻爵

宋書鄧琬傳琬父子並賣官鬻爵李百藥贊

道賦直言正諫以忠信而獲罪賣官鬻爵以貨賄而見
親

官久則富

史記貨殖傳廉吏久久更富俚語因之

官官相爲

見元喬孟符兩世姻緣曲

文官不愛錢武將不惜死

宋史岳飛傳云云李白詩有

爲官不愛錢句

相門必有相將門必有將 史記孟嘗君語又魏志陳思王傳引諺云云北史李彪傳亦引諺曰相門有相將門有將斯不惟其性蓋言習之所得也隋史王訓傳上曰送之曰可謂相門有相王鎮惡傳武帝曰鎮惡王猛孫所謂將門有將又史記任安傳言將門之下必有將類晉書王沈傳言公門有公卿門有卿

將相無種 史記陳涉世家王侯將相寧有種乎王海許

敬宗曰護兒兒作相世南男作匠文武豈有種耶

養相體 金史完顏奴申傳金自南渡之後爲宰執者臨

事相習低言緩語互爲推讓以爲養相體

忍辱至三公 晉書列女傳杜有道妻嚴氏戒預書引諺

云云

宰相肚裡好撐船 永東日記南京大理少卿楊公復能

詩有名其家童往往于元武湖埔採萍藻爲豚食吳思
菴以其密邇廳事拒之楊戲答詩云數點浮萍容不得
如何肚裡好撐船蓋諺有之宰相肚裡好撐船故云

伴食宰相 唐書盧懷慎傳與姚崇對掌樞密日以吏道
不及崇每事推讓之人謂之伴食宰相

鐵面御史 宋史趙抃傳爲殿中侍御史彈劾不避權倖
京師目爲鐵面御史曾紆南遊紀舊慶歷中侍御史吳
中復時人謂之鐵面御史

五日京兆 詳漢書張敞傳

金祭酒銀典簿 陸深春風堂隨筆國子監自祖宗以來

食不刷卷故諺云云

強團練 楓窓小牘臨安有諺凡見人不下禮曰強團練
長老言錢氏有國時攻常州執其團練使趙仁澤以歸
見王不拜王怒命以刀抉其口至耳丞相元德昭救解
云此強團練宥之足以勵忠也遂以藥敷創送歸于唐
故至今以爲美談

破家縣令滅門刺史 跋英東谷贅言人有恒言云云予
謂此言強宗豪右當常誦之庶幾不敢作奸犯科爲龔
黃卓魯者不可自誦此言楊穆西野雜記宣德間慈溪
一縣令謂羣下曰汝不聞諺云滅門刺史破家縣令乎
一父老對曰某等只聞得豈弟君子民之父母縣令爲
之默然

只許州官放火不許百姓點燈 馮猶龍譚槩田登作郡
怒人觸其名犯者必笞舉州皆謂燈爲火值上元放燈
吏揭榜于市曰本州依例放火三日俗語云云本此
官不威牙爪威 元曲選季直夫虎頭牌孫仲章勘頭巾
李行道灰闌記李致遠還牢末皆用此語

好官不過多得錢耳 宋史曹彬語

笑罵從汝好官須我爲之 宋史鄧綰傳綰諛王安石除
集賢校理鄉人在都者皆笑且罵綰云云

常訓官好做家常飯好喫 范文正公語見獨醒雜志
相逢盡道休官好林下何曾見一人 集古錄世俗相傳
此二句以爲俚諺慶歷中許元爲發運使因修江岸得
石刻于池陽江水中始知爲釋靈徹詩也

通俗編卷之六

政治

王道本乎人情劉向新序引程子曰王道如砥本乎人

情出乎禮義按此程子當是程木子

律設大法禮順人情後漢書卓茂語

有治人無治法荀子君道篇有亂君無亂國有治人無

治法

漢家自有制度漢書元帝爲太子嘗侍燕從容言陛下

持刑太深宜帝作色曰漢家自有制度奈何純任德教

用周政乎

我自用我法世說庾子嵩曰我自用我法卿自用卿法

自我作故國語哀姜至公使大夫宗婦覲用幣夏父展

曰非故也公曰君作故注曰君所作則爲故事張衡西京賦自君作故何禮之拘按今云自我作古乃別本宋孝宗語也宋史禮志孝宗欲不用易月之制曰自我作古何害

奉行故事 虞書若帝之初傳云順舜初攝帝位故事奉行之漢書魏相傳方今務在奉行故事而已

便宜行事 史記蕭相國世家卽不及奏上輒便宜施行上來以聞漢書魏相傳漢興以來國家便宜行事

因事制宜 出漢書韋元成傳又唐百官志置使之名或因事而置事已則罷

因利乘便 史記秦始皇紀論因利乘便宰割天下分裂河山

發號施令 書同命文又禮經解發號出令而民悅謂之
和鬻子發號施令爲天下福者謂之道文子道原篇未
發號施令而移風易俗者其唯心行也管子輕重篇國
非有貧富通于發號出令而審于輕重之數漢書天文
志王者卽位發號施令亦奉天時

三令五申

見史記孫武子傳

令不虛行 管子重令篇國不虛重兵不虛勝民不虛用
令不虛行

如令 韓非子飾邪篇先令者誅後令者斬則古者必貴
如令矣

得體 禮記官得其體疏云體者容體謂設官分職各得
其尊卑之體宋史岳飛傳小心恭謹不專進退爲得體

通俗編

卷六

政治

二

得法

戰國策蒙轂獻典五官得法而百姓大治

不如法

史記孫子傳約束已明而不如法吏士之罪也

後漢書淳于恭傳教諭孤幼有不如法輒反用杖釋名

科課也課其不如法者

奉公守法

史記廉頗傳以君之貴奉公守法則上下平

上下平則國強又說苑至公篇引虞邱子曰奉公行法

可以待榮

公耳忘私

漢書賈誼傳人臣國耳忘家公耳忘私

公道

文子上義篇人欲釋而公道行漢書蕭望之傳庶

事理公道立後漢書楊震傳論先公道而後身名傅子

通志篇有公心必有公道有公道必有公制許渾詩公道

世間唯白髮季咸用詩聖朝公道易酬身

明見萬里 後漢書竇融傳融既至河西咸驚以爲天子明見萬里之外

徹底澄清 北史宋世良傳爲清河太守有老人前謝曰府君非唯善政清亦徹底

不狗顏面 唐書長孫無忌傳帝曰聞所在官司猶自多有顏面劉知幾傳史局深籍禁門所以杜顏面防請謁也元史相威傳世祖諭曰朕知卿不狗顏面

屬託不行 說苑政理篇晏子曰前臣之治東阿也屬託不行貨賂不入漢書尹翁歸傳尹定國欲屬託邑子兩人令坐後堂待見定國與翁歸語終日不敢見其邑子

抑強扶弱 後漢書耿純爲東陽太守抑強扶弱三國魏志司馬芝爲河南尹抑強扶弱北史陸馥爲相州刺史

抑強扶弱

矯枉過直

越絕書子之復仇臣之討賊至誠感天矯枉

過直仲長統昌言論逮至清則復入於矯枉過直之檢

又後漢書注引孟子矯枉過正鹽鐵論撓枉者過直

坐鎮雅俗

舊唐書裴度傳雖在江左王導謝安坐鎮雅

俗而許謨方畧度又過之在坊薦士表王陳坐鎮雅俗

引益已多

權時救急

詩靡人不周箋賜給之權救其急左傳子產

作邱賦注子產權時救急

人微權輕

見史記穰苴傳按今俗每云人微言輕疑其

訛然東坡文集與歐陽仲純尺牘已有人微言輕之語

掣肘

呂氏春秋審應覽必子賤治豈父恐魯君之聽說

人而令已不得行其術也請吏二人于君俱至而父令之書子賤從旁時掣搖其肘書之不善則子賤爲之怒吏患而辭歸報于君君曰宓子以此諫寡人之不肖也摸稜唐書蘇味道傳謂人曰決事不欲明白悞則有悔摸稜持兩端可也故世號摸稜手

容情搜神記載王子珍事有主者容情不爲區斷語采

史選舉志攷官容情任意許臺諫風聞彈奏

方命尚書方命圯族孟子方命虐民接近人友朋書簡

往往輕易用此二字思其本義當悚然汗下也

具文漢書宣帝紀上計簿具文而已師古注雖有其文

而實不副也

牽制漢書元帝紀贊牽制文義優游不斷師古注爲文

義所牽制故不斷決

鉗制 焦氏易林執囚束繫鉗制于吏

糊塗 宋史李端傳或言端爲人糊塗太宗曰端小事糊

塗大事不糊塗按朱子語錄以憤憤不曉事曰鶻突其

說書曰百姓昭明乃三綱五常皆分曉不鶻突耳鶻突

卽糊塗之音轉

風流罪過 北齊書郎基傳基爲潁川太守清慎無所營

求唯頗令寫書潘子義遺之書曰在官寫書亦是風流

罪過

作威福 書洪範臣無有作福作威荀悅漢紀作威福結

私交以立彊于世者謂之遊俠劉向封事天將軍秉事

用權五侯驕奢僭盛並作威福擊斷自恣

助桀爲虐

見史記留侯世家及田單傳又孟子集註飛

廉助紂爲虐按俗唯助紂之言爲著

以身試法

漢書王尊傳明慎所職毋以身試法後漢書

馮勤傳欲以身試法耶將殺身以成仁耶

爲法自弊

史記商君傳亡至關下欲舍客舍舍人曰商

君之法舍人無驗者坐之商君歎曰爲法之弊一至此

哉又晉書劉毅有爲法自弊之歎

舞文弄法

史記汲黯傳張湯好與事舞文法又貨殖傳

吏士舞文弄法刻章僞書北齊書孝昭帝紀廷尉中丞

執法所在繩違按罪不得舞文弄法梁書武帝求讜言

詔舞文弄法因事生奸唐書郎餘令傳陳善弼曰舞文

弄法吾不及君

不公不法

司馬光與姪帖不可恃賴我勢作不公不法

攪擾官方

受贓枉法

吏游急就章受賕枉法忿怒仇注云受人財

者枉曲正法忿怒良直反以爲仇也史記優孟歌又恐

受贓枉法爲觸姦大罪唐書李朝隱傳贓唯枉法當死

賄賂公行

春秋胡氏傳賄賂公行上下離析晉書劉聰

載記朝廷內外無復綱紀阿諛日進貨賄公行南史陳

張貴妃傳閹宦之徒內外交結轉相引進賄賂公行

權柄

左傳襄二十三年既有利權又執民柄將何懼焉

六韜守土篇借人國柄則失其權莊子天運篇親權者

不能與人柄漢書劉向傳大臣操權柄持國政未有不

爲害者也

功令 史記儒林傳余讀功令至廣厲學官之路未嘗不
廢書而歎也注云謂學者課功著之于令也接近人用
此每若云公家之令非

令甲 戴埴鼠璞令甲令乙令丙乃篇次也漢宣帝詔令
甲死者不可復生江充傳注令乙騎乘車馬行馳道中
沒入車馬章帝詔令丙筆長短有數當時各有篇次在
甲言甲在乙言乙在丙言丙今例以法律爲令甲非也
按史記年表令甲稱其忠張釋之傳乙令蹕先至而犯
者罰金四兩亦著甲乙之別如淳漢書注曰令有先後
故曰令甲令乙令丙若今之第一第二第三篇說更較
戴氏詳晰宋史楊時傳云凡元祐之政事著在令甲則
已犯例稱之譏矣

治下 百虎通伏羲定人道以治下治下伏而化之故謂之伏羲也治下始見此漢書嚴延年敏捷于事更盡節者皆親鄉之以是治下無隱情

兩造 書呂刑兩造具備孔傳兩謂囚證造至也周禮大司寇以兩造禁民訟

六曹 文獻通攷政和初改各州推判參軍爲士戶儀兵刑工六曹掾按此乃今經歷照磨之屬非書省也其士儀二曹更與今吏禮房稱號不同羣碎錄輒謂州縣吏戶禮兵刑工六曹宋徽宗設未是也

書手 輟耕錄世稱鄉胥爲書手報應記宋衍應明經舉元和初至河陰縣因疾病廢業爲鹽院書手蓋唐已有此名

快手宋書王鎮惡傳西將及能細直更快手有二千餘人又建平王景素傳左右勇士數十人竝荆楚快手黃回傳募江西楚人得快射手八百南史亦作快手日知錄快手之名起此

門子周禮正室謂之門子注云將代父當門者蓋適子之稱與後世官府侍僮絕異韓非子亡微篇羣臣爲學門子好辯可亡也注云門子門下之人也此稍與侍僮類至舊唐書李德裕傳吐蕃潛將婦人嫁與此州門子道山清話都下有賣藥翁自言少時嘗爲尚書省門子則竟屬今所謂門子矣

里長隋書高祖從蘇威議以百家爲里置里長一人又裴蘊傳親閱戶口一人不實則官司解職鄉正里長皆

遠地流配按墨子尚同篇里長順天子政而一同其里之義里長既同其里之義率其里之民以尚同乎鄉長里長之名早見于此晉書職官志縣率百戶置里吏一人其土廣人稀聽隨宜置里吏吏與長稱號小殊而制則一然則里長非隋高所創或廢久而時乃重置耳戶頭後漢書章帝紀加賜河南女子百戶牛酒注曰此若是戶頭之妻不得更稱爲戶蓋謂女戶頭也人夫北史魏獻文六王傳趙郡王謐召近州人夫搜掩城人楚掠備至

公文三國志趙儼傳公文下郡縣絹悉以還民北史蘇綽傳所行公文綽皆爲之條式

文書周禮小宰府掌官契以治藏史掌官書以贊治注

云治藏藏文書及器物贊治若今起文書草也漢書刊
法志文書盈几閣典者不能徧睹中論遣交篇文書委
于官曹繫囚積于囹圄世說政事門何驃騎看文書謂
王劭曰我不看此卿等何以得存

移 漢書公孫弘傳移病免歸註曰移書言病也後漢書
光武紀致僚屬作文移注引東觀漢記文書移與屬縣
也父心雕龍劉歆之移太常文移之首也按凡官曹不
相臨敬者其文書則謂之移

開 父心雕龍開者開也出入山門關閉當審庶務在政
通塞宜詳韓非云孫宣回聖相也而開于州郡蓋謂此
也宋書禮志載文移格式云某曹開某事云云被令儀
宜如是請爲牋如左謹開按被令猶今云奉此據此儀

宜如是猶今云合行

邸報 宋史曹輔傳政和後帝多微行始民間猶未及知及蔡京謝表有輕車小輦七賜臨幸語自是邸報聞四方按邸報字見史始此而孫樵集有讀開元雜報一篇又唐詩話韓翃家居一日有人叩門賀曰邸報制誥闕人中書進君名已除駕部郎中知制誥矣則唐時已有邸報

告示 荀子榮辱篇仁者好告示人後漢書隗囂傳騰書隴蜀告示禍福

辭訟 漢書薛宣傳辭訟例不滿萬錢不爲移書魏志杜畿傳民嘗辭訟有相告者畿親見爲陳大義令歸諦思之自是少有辭訟

健訟 容齋四筆易訟卦險而健訟以健字爲句絕乃乃
于訟蒙師點句慨混訟字于上遂以健訟相連此二字
尚爲有說例以他卦若止蒙動豫之類將如之何凡頑
民好訟者但曰點訟終訟可也

打官司 元人抱朴齋曲有此三字

罪過 史記秦二世紀大臣及諸公子以罪過連逮少近
三郎官無得立者後漢書班超傳塞外吏士本非孝子
順孫皆以罪過徙補邊屯我罪過字以大小別不以公
私別後人例以公犯爲罪私居違碍則兼稱罪過其言
自六朝然矣北史長孫晟傳晟見牙中州穢責令染干
除之染干曰是奴罪過又由吾道榮傳晉陽人謂道榮
曰我本恒岳仙人有少罪過爲天官所謫

註誤 史記陳豨傳趙代吏人爲豨所誑誤劫畧者皆赦之
之後漢書寇恂傳陛下遠踰險阻故狂狡乘間相誑誤耳
易林履之革譌言妄語轉爲誑誤

發覺 漢書高帝紀八年秋八月吏有罪未發覺者赦之
淮南子汜論訓縣有賊大搜俠者之廬事果發覺夜驚而走
後漢書梁松傳數爲私書請託郡縣發覺免官論衡幸偶篇或奸盜大辟而不知或罰贖小罪而發覺

准 周必大二老堂雜志勅牒準字去十爲准或謂本朝因寇準爲相而改之又云曾公亮蔡京父皆名準而避其實不然予見唐譜已作准又收五代堂判亦然頃在樞密院令吏輩用準字旣而作相又令三省如此寫至今遂定按所云則宋孝宗時已復用原文矣而今仍紛

紛作准蓋超便之習一成難變卽一字之細有然
審問 書呂刑其審克之詩魯頌淑問如臯陶爲此二字
之源

處分 古焦仲卿妻詩處分適兄意那得自任事隋史沈
僧昭傳國家有邊事須還處分北史宋欽道傳夢見前
妻言被處分爲高崇妻唐豎傳豎手作文書口且處分
耳又聽受按分當首問今讀平聲者誤白居易詩處分
貧家殘活計劃禹錫詩停杯處分不須吹可證

坐罪 說苑奉使篇荆王與晏子語有縛一人過王而行
王曰何坐曰坐盜按此卽秦漢所云坐罪之坐

抵罪 史記趙世家齊之事王宜爲上佼而今乃抵罪韓
非內儲說君殺老儒是將以濟陽君抵罪于齊矣

開釋 書多方開釋無辜亦克用勸

申冤 易林比戶爲患無所申冤舊唐書徐有功傳三司

受理理既申冤

招搖 史記孔子世家衛靈公與夫人同車使孔子爲次

乘招搖市而過之

誘人犯法 刑律詐僞科目有詐教誘人犯法

武斷鄉曲 史記平準書兼并豪黨之徒以武斷于鄉曲

不服燒埋 見元人平報恩兩世姻緣曲

停日長智 佛經引諺又見傳燈錄瀉山祐語

敲 左傳定二年邾莊公與夷射姑飲酒私出闕乞肉焉

齊之杖以敲之杜注敲開頭也按便語以打爲敲本此

接 唐韻始末切通也按今作去聲讀諸字書無其音

左傳定八年涉佗拔衛侯之手音義曰拔擠也按也祖
寸切或云按之讀去蓋屬按音之轉

梟首 說文梟斷首倒懸也音讀若漣廣韻漢令先鯨剝
斬左右趾梟首殖其骨謂之具五刑按梟首之梟依此
當作梟然漢書刑法志已用梟字

坐地牢 北史魏獻文六王傳詔幽于京畿地牢絕食而
死祖珽傳地牢者乃爲深坑置諸內

先刑後奏 後漢書酷吏傳庾臨民之職專事威斷族滅
姦軌先行後聞注曰先行刑後聞奏也又五代史朱珍
傳軍中有犯令請先斬而后白

先打後商量 元曲選武漢臣老生兒李壽卿伍員吹簫
王實甫麗春堂竝用此語

蒲鞭示辱

後漢書劉寬傳吏人有過但用蒲鞭罰之示

辱而已南史崔祖思傳叔景真位平昌太守懸一蒲鞭

而未嘗用

以一警百

漢書尹翁歸傳其收取人心也以一警百吏

民皆服恐懼改行又鹽鐵論刑一而正百殺一而慎萬

父中子賞一以勸百罰一以懲衆傳子擊一警百刺史

之職也北史孫綽傳殺一利百以清王化韓愈詩罰一

勸百政之經不從而誅未晚耳

取保

周禮大司寇州里任之則省而舍之疏云仍恐習

前爲非故使州長里宰保任乃舍之按此卽後世取保

之制蜀志姜維傳魏繫維母于保官以延之北史宋繇

傳局內降人左澤等爲京畿送省今取保放出

保辜 史游急就章病保辜譟呼號顏注曰保辜者各
隨其狀輕重令毆者以日數保之限內致死則坐重辜
也按辜亦作孺說文解孺爲保任若是則保辜雖二文
而一義

甘結 續通鑑宋寧宗時禁僞學詔監司帥守薦舉改官
并于奏牘前具甘結申說並非僞學之人甘結二字見
此

服辯 元典章吏制凡府司官對衆審訖取服辯文狀按
今律仍有獄囚取服辯條註云服者心服辯者分辯理
當則服不當則辯或服或辯故曰服辯近易其名謂之
遵依則有服而無辯矣

比簿 周禮小司徒大比則受邦國之比要注云今時八

月案比是也要謂其簿

門單 朱子語錄禹貢是當時治水事畢却總作此一書如今人方量畢總作一門單耳

揭帖 通雅宋元豐中詔中書寫例一本納執政分令諸房揭帖謂揭而帖之古貼帖通用世說以如意帖之是也今人以有揭帖之名

魚鱗圖 宋史食貨志魏豹文代趙師禹爲婺州守整行經界益力凡結甲冊戶產簿魚鱗圖類姓簿皆創庫園藏之沈文初政記洪武十三年戶部覈實天下土田惟兩浙富民畏避徭役往往以田產詭托親鄰佃僕奸弊百出上遣各處查定細底編類爲冊其法甚備謂之魚鱗圖冊

串子 文字指歸支取貨契曰脾今倉庫收帖曰串子脾字之省也

徵比 周禮小司徒頒比法以行徵令疏云爲較比之法以徵索于民又縣正各掌其縣之政令徵比注徵徵召也比案比疏云徵發校比之等也按比校二字見國語加耗 五代史王章傳周太祖用兵四方章供饋軍旅征剝下民往時民租一碩輸二升爲鼠雀耗章乃增一碩輸二斗爲省耗按碩輸二升之制停驂錄云起于後唐明宗

稅契 續演繁露晉自過江至于梁陳凡貨賣奴婢馬牛田宅有文券率錢一萬輸估四百入官賣者三百買者一百名爲散估卽今田宅報券輸錢之數所謂稅契也

畫卯

李存義役謠五更飯罷走畫卯水潦載道歸來哺

吊卷

青藤山人路史釣調字今俱作吊如吊生員考試

吊文卷查勘俱誤吊生員應作調吊文卷應作釣也寓

圃雜記移文中字有日用不知所自而未能正者如查

字音義竝與槎同水中浮木也今云查理查勘有稽攷

之義弔本傷也愍也今云弔卷弔冊有索取之義票與

標同本訓急疾今以爲票帖綽本訓寬緩今以爲巡綽

其亦始方言歟

申解

雲麓漫鈔官府多用申解二字申之訓曰重今以

狀達上官曰申聞施于簡劄曰申呈皆無重義解古監

切訓曰除而詞人上于其長曰解士人獲鄉薦亦曰得

解皆無除出之義舉世用之與歐陽子言打字正同

巡遑 丹鉛錄今之場屋有巡綽官說文綽緩也詩寬兮綽兮相如賦便嬛綽約皆是寬緩之義則巡綽字非當作巡遑樂府伏知道五更轉一更刁斗鳴校尉遑遑城正是巡警之義此一大證也

僉押 兩史故事府州部論事皆籤前直叙所論之事後云謹籤具日下又云某官籤按籤卽僉押之僉古今字變耳

印窠 舊唐書德宗紀賜南詔異牟尋等金印銀窠黃滔詩六窠只佩諸侯印梅堯臣詩丹砂挈印窠按今計印之數曰畿窠觀此可明其義

騎縫印 北史盧同傳請總集吏部中兵二局勳簿對句奏案于黃素楷書大字今本曹尚書以朱印印之明

兩通一關吏部一關兵局與奏案對掌以防措洗之僞
更請征職自身具列本州郡縣三長之所并其實官正
職仰本軍印記其上然後印縫各上所司騎縫印制見
此南華經注督中也中兩間而立俗所謂騎縫也騎縫
二字又見此

知會 通雅唐武后甲申轉帖百官令拜表百官但赴拜
不知何事此蓋若今之都吏送知會部堂堂帖使司官
知之

公會 隋書虞世基傳徐陵聞其名因公會一見而奇之
議公事 曲禮公事不私議讎鐵論前議公事文學引稱
往古頗乖世務

奉憲 史記三王世家百官奉憲各遵其職漢書景帝紀

酷吏奉憲失中按穆天子傳受勅憲注云憲教令也

通行 周禮小行人疏吉禮軍禮賓禮天子頒之非所以
通行之事故不言也按後世云通行曉諭同此又漢書
高帝紀足下通行無所累此通行猶言行得開張敞傳
王姬昆弟及王同族宗室通行爲之襲襲此通行猶言
通同意各殊別

施行 能政齊漫錄今朝廷行移下州縣必云主者施行
本後漢黃瓊傳也按史記蕭相國世家便宜施行漢書
京房傳房考功事得施行矣王莽傳誣罔天下不可施
行俱先言之蔡邕獨斷巡狩還公卿以下陳洛陽都亭
前下拜天子下車古語曰在車則下唯此時施行亦後
漢言也

知左傳襄二十六年公孫揮曰子產其將知政矣魏了翁讀書雜鈔後世官制上知字如知府知縣始此按知政是總國內之政與後世知府縣猶若不同國語歸惠公而質子圉秦始知河東之政注云秦取河東之地而置官司故知河東之政此知字但屬一方官司尤與知府知縣之知迥合雲麓漫鈔唐制縣令闕佐官攝令曰知縣事李翱任上部誌文云攝富平尉知縣事是也仰孔平仲談苑今公家文移以上臨下皆用仰字北齊書孝昭紀詔定二王三恪是非禮儀體式亦仰議之用仰字始此按盧同請集勳簿表言仰本軍印記在齊孝昭之前

須至

朱子文集公移榜帖末多用須至字如云須至曉

示者須至曉諭約束者看定文案申狀亦云須至供申者按今公文中習爲定式問其義則無能言之據歐陽公集相度銅利牒云無至悞事者五保牒云無至張皇鹵莽者亦俱用之篇末大抵戒之曰無至勸之曰須至其辭僅反正不同耳

照得 又公移卷中每用照對二字如照對禮經凡爲人子不蓄私財云云照對本軍去年交納人戶云云多不勝舉間用照得者唯約束侵占勝及別集委官收糴草米船隱瞞三條而已所云照對蓋卽契勘之義照得則照對得之省文也今公移皆云照得無復用對字矣

火速 武則天詩火速報春知李俊民詩火速移床待孝先今官府徵逮勝帖亦習用按北史齊武成帝紀特愛

非時之物取求火急須朝徵夕辦火急與火速義同柳宗元詩勸君火急添功用蘇軾詩火急著書千古事徐積詩田事正火急而急有編著之義今因嫌之不用無故擅入周禮士師掌國五禁之法書而懸于門閭注云古之禁書亾矣今宮門有符籍官府有無故擅入其物可言者

畱中不下 見史記三王世家

交代 漢書蓋寬饒傳嚴黨交代自請願復畱後漢書傳燮傳范津爲漢陽與燮交代合符而去又交印見百氏長慶集和劉夢得詩交印君相次寒帷我在前

去思 漢書循吏傳序王成黃霸等所居民富所去見思按去思立碑唐時已有漢書錄虞城李令去思頌李白

撰文王通篆

德政碑 永經濟水注昌邑有成人班孟堅碑建和十年從事秦闔等刊石頌德政碑也

攀轅卧轍 百孔六帖漢侯霸爲臨淮太守被徵百姓攀轅卧轍願留期年按後漢書但云遮使者車或當道而卧無四字成文

立生祠 史記萬石君傳慶爲齊相大治爲立石相祠漢書于定國傳其父于公爲郡決曹決獄平郡中爲之生立祠曰于公祠按此立生祠之始至唐則此風漸盛其見詩者朱慶餘送林使君云想得化行風土變州人願爲立生祠盧廷讓送友赴闕云却笑郡人卧不得感恩惟擬立生祠

爾俸爾祿民膏民脂下民易虐上天難欺 琬琰錄乾德

三年立郡國戒石碑上勒爾俸爾祿云云十六字採孟

昶之辭也玉海紹興二年六月詔有司摹勒黃庭堅所

書太宗戒石銘徧賜守令重刻之廷石容齋續筆載孟

昶全辭云朕念赤子肝食宵衣言之令長撫養惠綏政

存三異道在七絲驅蝗爲理留犢爲規寬猛得所風俗

可移無令侵削無使瘡痍下民易虐上天難欺賦輿是

切軍國是資朕之賞罰固不踰時爾俸爾祿民膏民脂

爲民父母莫不仁慈勉爾爲戒體朕深思凡二十四句

但語皆不工惟經表出者詞簡理盡集古錄戒碑起唐

明皇特不見其辭耳明皇擇令一百六十三人賜以下

卓之戒其後天下爲縣者皆以新戒刻石七修類稿至

元癸巳吾浙戒石銘別有四句云天有昭鑒國有明法

爾畏爾謹以中刑罰

兼聽則明偏聽則闇管子君臣篇民別而聽之則愚合

而聽之則聖乃此語所本

旁觀者審當局者迷鹽鐵論從旁議者易是其當局則

亂唐書元行沖傳當局稱迷旁觀必審

當斷不斷反受其亂更記齊悼惠世家引道家之言云

云春申君傳贊引語云云後漢書楊倫傳當斷不斷貴

有所戒注引黃石公三畧曰當斷不斷反受其亂晉書

慕容垂載記弟德進言亦引語云當斷不斷反受其亂

又羊祜傳當斷不斷天與不取豈非更事者恨于後時

哉南史齊宗室傳子良失在儒雅當斷不斷

上不正下參差

楊泉物理論引語云云

設上不設下

宣政雜錄靖康初民間以竹徑二寸長五

尺許冒皮于首鼓之因其製作之法謂曰設上不設下

通衢用以爲戲云

上明不知下暗

見張國賓薛仁貴劇

人心似鐵官法如鑪

見王仲文救孝子曲

急急如律令

李濟翁資暇錄符咒之類末句云急急如

律令人以爲飲酒之律令不得停滯非也今宜平聲律

令乃雷邊提鬼此鬼善走與雷相疾速故云如此鬼之

疾走也演繁露風俗通論漢法九章因言曰夫吏者治

也當先自正然後正人故文書下如律令言當承憲履

繩動不失律令也今符咒家凡行移悉倣官府制度則

其云如律令者亦倣官府文書爲之不必鑿言雷鬼也
雲麓漫鈔五字本漢公移常語張天師漢人故承用之
道流至今祖述按文選陳琳爲袁紹檄豫州末云如律
令注如程氏引風俗通之說又琳檄吳將校部曲末亦
云如詔律令史記三王世家亦云當用如律令援以證
之愈見資暇之說之鑿

一朝權在手看取令行時 宋灣奉使設宴戲擲籠籌詩
官無悔筆罪不重科 古今譚槩載袁節推酒令引俗語
云云

一字入公門九牛曳不出 晉燈錄黃龍慧南禪師嘗舉
揚此語

公門好修行 見元曲選岳百川鐵拐李楊顯之酷寒亭

二劇

事官千日失在一朝 傳燈錄王延彬問朗上座捧爐神
爲甚翻却茶朗荅云云